

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKOG KANTONA
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I Č A
Broj: T04 0 KT 0055502 23
Zenica, 04.02.2025. godine

OPĆINSKOM SUDU U VISOKOM
-Sudiji za prethodno saslušanje-

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku F BiH, p o d i ž e m

O P T U Ź N I C U

Protiv,

A.A., neosuđivan,

što je,

dana 11.10.2023. godine oko 16,15 sati, u V., nakon što je prethodno konzumirao alkoholno piće, sjeo za upravljač pmv marke „VW Vento“, reg. oznaka ..., pod utjecajem alkohola sa koncentracijom alkohola u krvi od 1,09 promila, svjestan da u stanju takve alkoholne opitosti može ugroziti javni promet i tako dovesti u opasnost živote i tijela drugih lica, na šta je i pristao, da bi potom sa vozilom izašao na regionalni put R443 i otpočeo kretanje istim iz smjera V. prema K. i po dolasku do poljoprivredne apoteke „Dž.“ propustio da obrati pažnju na pješakinju A. F. koja je ispred njega započela prelaziti kolovoz sa desne na lijevu stranu, pa postupajući suprotno odredbama člana 28. stav 1. i člana 174. Zakona o osnovama bezbjednosti saobraćaja na putevima BiH, vozeći tako na desnoj saobraćajnoj traci prednjom stranom vozila udario navedenu pješakinju, ugroživši na taj način sigurnost javnog prometa uslijed čega je A. F. zadobila višestruke mehaničke povrede glave, tijela i ekstremiteta, prelom ključne kosti u dijelu ramenog zgloba obostrano, prelom vrata desne ramene kosi nadlaktice, prelom vrata desne butne kosi, prelom krila obje crijevne kosti, obostrani serijski prelom rebara sa krvarenjem i prodor zraka u oba prsišta, nagnječenje tkiva pluća, zrak ispod kože desno, razdernonagnječnu ranu glave čeonu, prelom lijeve zigomatične kosti, prelom poprečnih nastavaka kralježaka vratnog VII, grudnog I i krsnog I i razdernonagnječnu ranu desnog koljena, a koje povrede u svom sveukupnom djelovanju na život i zdravlje predstavljaju teške tjelesne povrede opasne po život sa trajnim posljedicama u vidu ožiljaka na koži u dijelu desne natkoljenice i kuka, sa implatatima u dijelovima prelomljenih kostiju,

čime je učinio krivično djelo teška krivična djela protiv sigurnosti javnog prometa iz člana 336. stav 1. u vezi sa članom 332. stav 1. KZ F BiH.